



WATENDAJI SUMAJKT WAPATIWA SEMINA YA UENDESHAJI WA KAMPUNI



Mkurugenzi Mtendaji wa SUMAJKT Brigedia Jenerali Absolomon Shausi (katikati waliokaa), Mkurugenzi Mwendeshaji wa SUMAJKT Guard Ltd Kanali Joseph Masanja (wapili kutoka kushoto), Mkurugenzi wa sheria SUMAJKT Meja Jamal Mohamed (wakwanza kutoka kulia), Bw. Frank Mwalongo (wapili kutoka kulia) kutoka Kampuni ya Uwakili Apex Attorney's na Mkurugenzi Mwendeshaji Kampuni ya Ujenzi SUMAJKT Mhandisi Morgan Nyonyi wakiwa katika picha ya pamoja na baadhi ya Wakurugenzi na Wakuu wa Miradi ya SUMAJKT Mwenge Jijini Dar es salaam.

WATENDAJI SUMAJKT WAPATIWA SEMINA YA UENDESHAJI WA KAMPUNI



Mkurugenzi Mtendaji wa SUMAJKT Brigedia Jenerali Absolomon Shausi (katikati waliokaa), Mkurugenzi Mwendeshaji wa SUMAJKT Guard Ltd Kanali Joseph Masanja (wapili kutoka kushoto), Mkurugenzi wa sheria SUMAJKT Meja Jamal Mohamed (wakwanza kutoka kulia), Bw. Frank Mwalongo (wapili kutoka kulia) kutoka Kampuni ya Uwakili Apex Attorney's na Mkurugenzi Mwendeshaji Kampuni ya Ujenzi SUMAJKT Mhandisi Morgan Nyonyi wakiwa katika picha ya pamoja na baadhi ya Wahasibu, na Maafisa Rasilimali watu wa SUMAJKT Mwenge Jijini Dar es salaam.

Mkurugenzi Mtendaji wa Shirika la Uzalishahi Mali la Jeshi la Kujenga Taifa (SUMAJKT) Brigedia Jenerali Absolomon Lyanga Shausi, kwa niaba ya Afisa Mtendaji Mkuu wa SUMAJKT Meja Jenerali Rajabu Mabele leo tarehe 07 Septemba 2021 amefungua semina inayohusu uendeshaji wa Kampuni kwa Wakurugenzi, Wakuu wa Miradi na wasaidizi wao, Wahasibu, Maafisa Rasilimali Watu na Wanasheria wa Shirika hilo ambayo inafanywa na mwezeshaji kutoka Kampuni ya Uwakili ya Apex Attorney's Wakili Bwana Frank Mwalongo katika ukumbi wa Uhuru Mwenge jijini Dar es Salaam.

Brigedia Jenerali Shausi ameeleza kuwa, lengo la semina hiyo ni kuweka uelewa kwa watendaji wa Shirika hilo kuhusu uendeshaji wa Kampuni ili kuweza kupata suluhisho la changamoto ambazo wamekuwa wakikutana nazo hususani kuhusu sheria katika utekelezaji wa majukumu yao.

Aidha, Brigedia Jenerali Shausi amewataka watendaji hao kufuatilia kwa makini semina hiyo na iwe chachu kwao kupata hamu ya kujua Sheria ili waweze kupata majibu ya namna ya kutatua changamoto zinazowakibili katika uendeshaji wa Kampuni wanazofanya kazi.

Nae Mwezeshaji kutoka Kampuni ya Uwakili ya Apex Attorney's Wakili Bwana Frank Mwalongo amewasilisha mada kuhusu Sheria za Uendeshaji wa Kampuni.

Bwana Mwalongo amesema kuwa kampuni zinatakiwa kujiendesha kwa kufuata misingi ya sheria ya utawala bora.

Bwana Frank Mwalongo ameelleza kuwa kabla ya sheria na kanuni kuwepo duniani zilikwepo changamoto ambazo zilisababisha kuwepo kwa udanganyifu wa mapato wakati wa kufanya tathmini na nguvu kubwa kupewa wakurugenzi iliyopelekea kujikopesha au kuwa na mgongano wa kimaslahi.

Bwana Mwalongo amefafanua kuwa umuhimu wa kufuata sheria unasaidia kuepuka utawala mbaya ambao unaweza kusababisha kuua kampuni.

Wakili Mwalongo amefundisha mbinu mbalimbali ambazo zinaweza kuzuia au kupunguza madhara ya kutokuwa na utawala bora ikiwemo, kuhakikisha kampuni zinafuata sheria na taratibu pamoja na makatazo ya sheria.

Vilevile kuwa na vikao vya mwaka na vikao vidogo vya bodi ya Wakurugenzi.

Pia kufanya ufuatiliaji wa kimahesabu na ukaguzi wa kampuni na kufuata sheria katika kuangalia maslahi ya wafanyakazi ikiwemo likizo ili kuongeza ufanisi wa kazi.

Wakili Mwalongo pia amezungumzia kuwa na muundo mzuri wa uongozi katika kuteua wakurugenzi, kufuata sheria za uendeshaji makampuni kuandaliwe sera zitakazolinda Kampuni akitolea mfano ikitoea Mkurugenzi akafanya uzembe, makosa ya jinai au maamuzi yatakayopelekea kampuni kushtakiwa au kupata hasara, wa kuwajibishwa yeye ni binafsi.

Wakili Bwana Frank Mwalongo amemaliza kwa kueleza umuhimu wa Kampuni kuwa na muongozo (manual) ambao unaeleza namna ambavyo sera zitatekelezwa na namna ya uwajibishwaji katika makosa ya madai na jinai.

Semina hii ya Uendeshaji wa Kampuni ni ya siku mbili, hivyo inatarajiwa kumalizika kesho tarehe 8 Julai 2021.

Uongozi wa SUMAJKT umekuwa ukiandaa Semina mbalimbali kwa watendaji wake kwa lengo la kuwajenglea uwezo wa kutekeleza majukumu yao kwa weledi.

Matukio Katika Picha



Mkurugenzi Mtendaji wa SUMAJKT Brigedia Jenerali Absolomon Lyanga Shausi akitoa hotuba fupi kabla ya kufungua Semina ya uendeshaji wa Kampuni kwa watendaji wa SUMAJKT katika Ukumbi wa Uhuru Mwenge Jijini Dar es salaam.



Mwezeshaji kutoka Kampuni ya Uwakili Apex Attorney's Bwana Frank Mwalongo alitoa semina kwa watendaji wa SUMAJKT katika ukumbi wa Uhuru Mwenge Jijini Dar es salaam.



Baadhi ya watendaji wa SUMAJKT wakisikiliza semina ya uendeshaji wa Kampuni kutoka kwa Bwana Frank Mwalongo, mwezeshaji kutoka Kampuni ya Uwakili Apex Attorney's (hayuko pichani) katika ukumbi wa Uhuru Mwenge Jijini Dar es salaam.



Baadhi ya Wakurugenzi, Wakuu wa Miradi na Wasaidizi wao, Wahasibu na Maafisa Rasilimali watu wa SUMAJKT wakisikiliza semina ya uendeshaji wa Kampuni kutoka kwa Bwana Frank Mwalongo, mwezeshaji kutoka Kampuni ya Uwakili Apex Attorney's (hayuko pichani) katika ukumbi wa Uhuru Mwenge Jijini Dar es salaam.